

訂正東醫寶鑑雜病篇卷之六

東醫勤貞亮 聖功臣祿大夫陽平君臣許浚奉 教撰

積聚

積聚之因

靈樞曰喜怒不節則傷臟臟傷則虛風雨襲虛則病起於上留著於脉稽門不去息而成

積。著於陽明之經則挾臍而居飽食則益大飢則益小。著於緩筋也以陽明之積飽食則痛飢

則安。著於腸胃之膜原痛而外迎於緩筋飽食則安飢則痛。著於膻筋在腸後者飢則積見飽

則積不見按之不得。清濕襲虛則病起於下積之始生得寒乃生厥乃成積厥氣生足惋足惋生

脛寒脛寒則血脉凝澁血脉凝澁則寒氣上入於腸胃入於腸胃則膜脹膜脹則腸外之汁澁積聚

不得散日以成積。卒然多飲食則脹滿起居不節用力過度則陽絡脉傷陽絡傷則血外溢陰絡

傷則血內溢血內溢則後血謂血也後血謂血也則血溢於腸外腸外有寒汁沫與血相傳則并合凝聚不得散而積成矣。帝曰人之善病腸中積聚者何以候之少俞答曰皮膚薄而不澤肉不堅而淖澤如此則腸胃惡惡則邪氣留止積聚乃成腸胃之間寒溫不次邪氣稍至蓄積留止大聚乃起。內經曰寒氣客於小腸膜原之間絡血之中血澁不得注於大經血氣稽留不得行故宿昔而成積矣

論五積六聚

病有積有聚何以別之然積者陰氣也聚者陽氣也故陰沉而伏陽浮而動氣之所

積名曰積氣之所聚名曰聚積者五臟所生聚者六腑所成積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故以是別知積聚難經。病有積有聚有榮氣何謂也師曰積者臟病也終不移聚者腑病也發作有

時展轉痛移為可治。滯氣者，脇下痛，按之則愈，復發為滯氣。仲景○肝之積名曰肥氣，在左脇下，如

覆盂，有頭足，久不愈，令人發咳逆。方云：脇痛，痰瘕，連歲不已。○心之積名曰伏梁，如梁之橫架心下，

起臍上大如臂，上至心下，久不愈，令人煩心。○脾

之積名曰痞氣，在胃脘稍右，在胃脘覆大如盤，一

作孟，久不愈，令人四肢不收，發黃疸，飲食不為肌

膚。○肺之積名曰息賁，喘息奔而上行也，在右脇

下，覆大如孟，久不已，令人洒淅寒熱，喘咳發肺癰。

○腎之積名曰奔豚，若豚之奔衝發於小腹，上至

心下，若豚狀，或下或上，無時久不已，令人喘逆骨

痿，少氣。難經○肝積面青，脈弦而長，一作細定在

左脇下。○心積面赤，脈數而實，定在心下。○脾積

面黃，脈大而虛，一作沈而實定在中脘。○肺積面

白，脈數而浮，定在右脇下。○腎積面黑，脈

寸口大實，一作沈而急定在小腹。綱目

伏梁有二證

帝曰：病有小腹盛，上下左右皆有根，此為何病？可治否？岐伯曰：病名曰伏梁，裹大膿。

脉法

血居腸胃之外不可治治之每切按之致死。帝曰人有身體髀股肘皆腫環臍而痛是為何病岐伯曰病名伏梁此風根也其氣溢於大腸而著於胃胃之原在臍下故環臍而痛不可動之動之為水尿澀之病此二病同名而實異也。內經

鬱脉多沈伏或結或促或代。止傳。鬱脉沈瀦積脉弦堅。丹心。病在右脇有積氣得肺脉結結甚

則積甚結微則積微肺脉雖不見右手脉當沈伏難經。○心肺有積其脉皆喘數肝有積其脉弦長

脾腎有積其脉皆大。綱目。脉弦緊為積脉弦緊而微細者癥也夫癥瘕積聚之脉皆弦緊在心下

即寸弦緊在胃腕即關弦緊在臍下即尺弦緊。內有積不見脉難治見一脉相應為易治。○診積

聚其脉堅強急者生虛弱者死。○脉弦而伏者腹中有癥不可轉也必死不治。脉經。○五藏為積六

府為聚積在本位聚無定處駛緊浮牢小而沈實

或結或伏為聚為積實強者生沈小者死。脉訣。○

五積屬陰沈伏附骨肝弦心乳腎沈急滑脾實且長肺浮喘卒。六聚結沈痼則浮結。又有癥瘕其脉多弦弦急瘕疾弦細癥堅。沈重中散食成瘕瘕左轉沈重氣癥胃前若是肉癥右轉橫旋。積聚癥瘕緊則痛纏虛弱者灰實強可痊。腹中有積脉忌虛弱。診婦人疝瘕積聚之脉弦急者生虛弱小者死。脉經。

六鬱為積聚癥瘕疝瘕之本

氣血冲和百病不生一有佛鬱諸病生焉鬱者病結

不散也

丹心

○熱鬱而成痰痰鬱而成癖血鬱而

成癥食鬱而成痞滿此必然之理也。又氣鬱而

淫滯淫滯而成熱熱鬱而成痰痰滯而血不行血

滯而食不消化而遂成痞塊此六者相因而為病

也

正傳

○鬱者結聚而不得發越也當升者不得

升當降者不得降當變化者不得變化也此為傳

化失常六鬱之病見矣

丹心

○一日氣鬱二日淫

鬱三日熱鬱四日痰鬱五日血鬱六日食鬱此六

鬱也六鬱不言風寒者風寒鬱則為熱故也丹心

○治鬱之法順氣為先降火化痰消積分多少而

治蒼朮蕪芎總解諸鬱丹心○內經曰木鬱達之

火鬱發之土鬱奪之金鬱泄之水鬱折之張子和

曰木鬱達之謂吐之令其條達也火鬱發之謂汗

之令其疎散也土鬱奪之謂下之令無壅碍也金

鬱泄之謂滲泄解表利小便也水鬱折之謂抑之

制其衝逆也此治五鬱之大要耳正傳○諸鬱通

用六鬱湯麤麴丸麤麴保

和丸加味麤麴丸諸方

六鬱湯

通治六鬱香附子二錢川芎蒼朮各一錢半
陳皮半夏製各一錢赤茯苓梔子仁各七分

縮砂甘州各五分右剉作一貼薑三水煎服丹心

○氣鬱加木香檳榔烏藥紫蘇葉○淫鬱加白朮

羌活防己○熱鬱加黃連連翹○痰鬱加南星瓜

薤仁海粉○血鬱加桃仁牡丹皮韭汁○食鬱加

山楂子神麴

麥芽入門

六鬱湯

開諸鬱火便香附蒼朮神麴梔子連翹陳皮川芎赤茯苓貝母枳殼紫蘇葉各一錢甘草

五分右剉各一貼薑三片水煎服

麴麴丸

解諸鬱蒼朮便香附川芎神麴炒梔子炒各等分右為末水和丸如萊豆大溫水下七丸

十丸研○麴麴細麴丸二名芎朮丸凡願欲不遂加寡婦僧道之類名利不遂或先富後貧或久

病不愈者皆宜服此丸

麴麴保和丸

開鬱行氣消積散熱白朮三兩山楂肉二兩蒼朮川芎神麴炒便香附陳皮半

夏白茯苓枳實黃連酒炒當歸酒先各一兩梔子炒連翹蘿蔔子炒水香各五錢右為末薑汁泡蒸

餅和丸梧桐子大薑湯下五十九

加味麴麴丸

解諸鬱開胸膈進飲食蒼朮泔浸薑汁炒蕪芎便香附神麴炒梔子炒各四兩

四

一一 毀金

胸滿脇痛脉沉澁宜用香附蕪芎蒼朮佩
木香調氣散解鬱調胃湯麩麴丸○二陳湯煎水

○方吞
入見下
門神交

周身關節走痛首如物蒙足重遇陰寒便發脉沉濡宜用蒼朮川芎白芷赤茯苓○宜服滲濕湯

散方 內方 傷見 平胃

目蒙口乾舌燥小便赤濁脉沉數宜用青黛香附
蒼朮川芎梔子佩○宜服升陽散火湯火鬱湯
附

並見火門

胸滿動則喘急起卧怠惰寸脉沉滑宜用海石香附子瓜蒌仁南星入○宜服瓜蒌枳殼湯升發二

陳湯

血鬱

四肢無力能食小便淋大便紅脉沈芤澁宜用桃
仁紅花青黛川芎香附子入門。宜服生韭飲順

氣丸當歸
活血湯

食鬱

噫酸惡食黃疸鼓脹痞塊脉氣口緊盛宜用蒼朮
香附山查子神麴鐵砂醋炒入門。宜服香砂平

胃散散
鬱湯

木香調氣散

治氣鬱烏藥香附枳殼青皮陳皮厚朴
蕪荳蔻各一錢木香縮砂各五分桂

皮甘艸各三分右剉作一

貼薑三片水煎服回春

解鬱調胃湯

治氣分之火壅遏於中特作刺痛皆由
怒憂思慮勞心所致也梔子鹽水炒常

歸酒洗各一錢二分白朮陳皮白茯苓各一錢赤

芍藥酒浸生乾地黃酒洗薑汁炒香附米各八分

神麴炒麥芽炒各七分川芎六分桃仁庄甘

艸各四分右剉作一貼薑三片水煎服回春

瓜蒌枳殼湯

治痰鬱瓜蒌仁枳實桔梗川芎蒼朮香附杏仁片苓酒炒貝母炒陳皮各一錢

縮砂木香各五分甘州三分右剉作一貼水煎入竹瀝薑汁調服

同春

升發二陳湯

治痰鬱半夏二錢陳皮蕪芎赤茯苓各一錢半柴胡防風升麻甘州各一錢右

剉作一貼入薑三片煎服入門

生韭飲

治血鬱胃脘有瘀血作痛生桃仁七箇連皮細嚼以生韭汁一盞送下即效

同春

順氣丸

治血鬱香附子八兩以童便浸晒乾為末以粟米糊和丸服

綱目

當歸活血湯

治血鬱當歸赤芍藥川芎桃仁各一錢牡丹皮香附子烏藥枳殼青皮各八分

紅花五分桂皮乾薑炮甘州各三分右剉作一貼入薑三木煎服

同春

香砂平胃散

治食鬱蒼朮厚朴陳皮便香附各一錢山查肉縮砂枳殼麥芽神麴乾薑木香

各五分甘州炙二分右剉作一貼入
薑三蘿蔔子炒研一撮煎服同春

散鬱湯

治食鬱陳皮赤茯苓各一錢半蒼朮白芍藥
川芎梔子各一錢二分枳殼香附各一錢甘

州五分右剉作一貼入薑三煎服○鬱則胃熱鬱
散則上焦行下脘通水穀之陰自滋沛身中之陰

氣自生
矣丹心

痞塊積聚所屬部分

凡痞塊積聚在中為痰飲○在右
為食積○在左為血積丹心○夫

左為血塊右為食積中為痰飲此言誠然夫左關
肝膽之位主藏血液右關脾胃之位主藏飲食中
間則為水穀出入之道路所以左為血
塊右為食積中為痰飲其理昭然丹心

痞塊證治

塊是有形之物氣不能成塊乃痰與食積久
血也宜用化塊丸丹心○凡痞塊在皮裏膜

外俱宜二陳湯加補氣行氣藥先須斷厚味丹心
○治塊當降火消食積即痰也行外血塊去後須

大補之丹心。○凡婦人有塊多屬瘀血。丹心。○痞

塊一名癥瘕其不能移動者是癥瘕也。或有或無

或上或下或左或右者是瘕瘕也。俱用潰堅湯丸

為主。丹心。○脇下有塊宜當歸龍薈丸。方見五藏

加桃仁薑黃各一兩蜜丸服之。入門。○驚氣成塊

者妙應丹。方見痰飲。加穿山甲炒鱉甲燒各三錢

玄胡索蓬朮各四錢每服五七十丸以利為度。綱

目。○痞塊宜用連蘿丸消塊丸加味柴平湯消積

保中丸開懷散柴香散保和丸化痞丹兼用膏藥

外貼之。諸方。○凡腹中有塊不問積聚癥瘕俱為

惡候切勿視為尋常若脹滿已成胃腹鼓

急雖倉扁復生亦莫能救其萬一也。正傳

化塊丸。治痞塊及血塊海粉酒煮三稜蓬朮並醋煮

紅花桃仁五靈脂香附子各一兩石礪五錢

右為末醋糊和丸梧子大。白朮湯下三五十丸。丹心

連蘿丸

治食積瘀血痰飲成塊在兩脇作痛雷鳴嘈雜眩暈黃連一兩半取一半以吳茱萸五錢

同炒去茱萸一半以益智五錢同炒去益智白芥子蘿蔔子並炒各一兩半梔子川芎三稜蓬朮桃仁香附子山查肉神麴各一兩青皮五錢右為末蒸餅和丸梧子大白湯吞下五六十九丸入門。

名白芥丸 入門今

名消積丸 俗方

消塊丸

治痞塊癥瘕大黃四兩硝石三兩人參甘州各一兩半右為末陳醋三升置磁器內先納

大黃煎不住手攪使微沸盡一升下餘藥末熬至可丸則丸如梧子大米飲下三十丸當利如雞肝惡物入門。

名硝石丸 千金

加味柴平湯

治積塊有熱柴胡黃芩半夏蒼朮厚朴陳皮山查肉青皮枳殼神麴三稜蓬朮

各七分甘州五分右剉作一貼入薑三棗二水煎服 回春

消積保中丸

散痞除塊白朮土炒三兩陳皮去白二兩半夏白茯苓香附醋炒蘿蔔子炒白

芥子炒神麴炒黃連薑汁炒梔子薑汁炒各一兩
 檳榔七錢蓬朮三稜並醋炒各八錢麥芽炒六錢
 乾漆炒五錢青皮香油炒縮砂炒各四錢木香阿
 魏各三錢右為末以薑汁酒糊和丸梧子大白湯
 下八一
 丸 醫鑒

開懷散

治心下積塊痞悶或發熱柴胡艸豆蔻各一
 錢三稜蓬朮並醋炒青皮陳皮半夏白茯苓

香附子檳榔枳實紅花甘艸各七
 分右剉作一貼薑三煎服 醫鑒

柴香散

治心腹有氣一塊略通或膨脹寒熱枳實地
 骨皮三稜蓬朮各一錢柴胡黃芩各七分赤

芍藥厚朴香薷黃連玄胡索各五分
 甘艸三分右剉作一貼水煎服 醫鑒

保和丸

治一切飲食所傷及積聚痞塊久服自消白
 朮五兩陳皮半夏茯苓神麴山楂肉各三兩

連翹香附子酒炒厚朴蘿蔔子炒各二兩枳實麥
 芽黃連酒炒黃芩酒炒各一兩右末薑汁糊和丸

梧子大茶清下
五七十丸 醫鑑

化痞丹

消積塊專攻之劑大黃四兩醋浸七日日晒

香附子便浸炒桃仁各一兩紅花二錢青黛五分
右爲末將大黃和好醋煮爲糊和丸葉豆大茅根

葛根煎湯下五

七十丸 同春

積聚治法

治積當察其所痛以知其病有餘不足可補
可瀉無逆天時詳藏府之高下如高者越之

結者散之客者除之留者行之堅者削之强者奪
之臧以與之苦以瀉之全真氣藥補之隨所利而

行之節飲食慎起居和其中外可使必已 東垣○

凡積病不可用下藥徒損真氣病亦不退當用消

積藥使之融化則自消除根矣 丹心○經曰治積

聚有化積消積換積磨積而無下積之說蓋不可

直便取下以傷胃氣也 永類○諸積勿輕吐下徒

損真氣積亦不去奔豚尤不可吐五積古有五方

今增損五積丸更妙入門。內經曰破積用毒藥衰其大半而止藥凡大積大聚消其大半乃止藥遇劑則成藥垣。肝積用肥氣丸。心積用伏梁丸。脾積用磨氣丸。肺積用息賁丸。腎積用奔豚丸。六聚宜用散聚湯香稜丸大七氣湯大阿魏丸大安丸入門。積初爲寒宜辛溫消導大七氣湯烏白丸阿魏丸。久則爲熱宜辛寒推蕩木香檳榔丸方見氣門通玄二八丹消塊丸入門。治積要法大抵以所惡者攻之所喜者誘之則易愈。如礪砂水銀治肉積。神麴麥芽治酒積。水蛭蝨虫治血積。木香檳榔治氣積。牽牛甘遂治水積雄黃膩粉治痰積。礪石巴豆治食積各從其類也本事。又云三稜蓬朮治血積香附枳實治食積山楂阿魏治肉積海粉礪石治痰積雄黃白礬治虫積乾薑巴豆治寒積黃連大黃治熱積丹心。五積六聚通用增損五積丸消積正元散肥氣丸伏梁丸痞氣丸息賁丸奔豚丸又有奔豚湯散聚湯香稜丸大七氣湯潰堅湯潰堅